

河南府縣志輯

中國地方志集成

嘉慶孟津縣志
乾隆重修靈寶縣志
民國靈寶縣志

中國地方志集成

河南府縣志輯 ⑥5

嘉慶孟津縣志

乾隆重修靈寶縣志


民國靈寶縣志

上海書店 ● 巴蜀書社 ● 江蘇古籍出版社

嘉慶孟津縣志

(清)

趙擢彤修
宋縉纂



本書十二卷、首一卷。現據嘉慶二十年
(一八一五)刻本影印。

序

郡邑之有志也蓋仿於方志
閭史之遺意也周官縣正各
掌其縣之政令春秋暨列國
皆太史氏紀其國之時令政

孟津縣志

序

一

事以故後之徵文考獻者得
以循途而事蒐羅則縣志之
設不亦守土者之所重有事

哉我

國家久道化成仁覆義幬

列聖之休養生息一域之沿

革廢興與夫山川形勝人物
瑰奇皆當有以信今而傳後
況中州戶口蕃孳酒滌益厚
一時蒸蒸向化慕義無窮顧

孟津縣志

序

二

可使數十百年之典章文物
安於因陋就簡而缺焉弗講
乎象階不敏前於宰濬卽以

邑志缺略爲憾釐訂而纂修
之庶爲少慰乃莅汝陽十稔

而舊志蕪穢益甚彌思纂葺
風塵執掌殊媿未遑今年四
月奉檄權攝河南守於時蒞
陽趙睦堂先生宰孟津且五
載矣敏於爲政而得民和汝

孟津縣志

序

三

陽去孟津百餘里而迺其惠
民之實政余耳熟者久矣又
往者余以公至孟盤桓衙齋
旬餘日益稔其爲人故余與
睦堂稱舊雨茲睦堂於簿書

期會之暇復能肆其餘力訪
羅散佚旁徵史傳彙輯而成
邑志一編事增於舊而體例
一新於是孟津之山川人物
城郭邱甸賦役政教食貨物

孟津縣志

序

四

產之類以及忠孝節義可法
可傳之事跡下逮金石文字
辨其訛舛芟其附會無不昭
若發矇燦若列眉其紀事也
實其屬辭也當洵足以備觀

覽稱實錄而後之讀是編與
茲茲土者皆得藉以爲考證
之資亦何其心之切而力之
敏歟矧今通省之志必采擇
於諸郡一郡之志必采擇於
各邑則縣志之修所以補舊
史之遺而備輶軒之貢纂修
之責不綦重歟睦堂屬序於
余余不獲以不文辭然余亦
樂爲之弁其首者一以嘉睦

堂之志同於余之宰濬更以
媿余之刺汝十年而仍未克
遂其願也爰書而叙之

嘉慶乙亥冬潛山熊象階撰



孟津縣志目錄

舊序

輿圖

凡例

題名

卷之首

宸翰

卷之一

沿革

沿革表
沿革考

卷之二

孟津縣志目錄



疆域

縣境
山川
道里
古蹟

卷之三

建置

城池
署廨
學宮
營堡
郵驛
倉廩
壇壝
塚墓
坊表
橋渡
祀典
寺觀
陵墓

卷之四

貢賦

里甲
集市
戶口
田賦
額鹽
雜稅
土產
風俗
附
災祥
附

卷之五

官師

職官表
宦蹟

卷之六

選舉

選舉表
武科
武職
恩蔭
封贈
條吏

卷之七

卷之八

列傳一 名臣 忠直 義烈附
孝友 經學

列傳二 廉能 交苑 義聚
隱逸 流寓 仙釋

卷之九

列傳三 列女

卷之十

藝文一 疏劄 書
策 論

卷之十一

藝文二 記 序 雜著
墓表 墓誌 祭文

卷之十二

孟津縣志目錄



藝文三 賦 贊 銘
古歌 古近體詩

舊敘

明興混一區夏肇造郡邑凡圖經壤志環天下有之吾盟無志積百有餘年矣亦無議修之者人恒以爲憾焉嘉靖庚戌歲余還政杜門適邑侯蘭郡段公在詣余請爲志事余曰吾盟亦豫之中土圖籍廢缺吾當爲吾邑志之顧衰年病夫久違羣書詎能服役左右手侯再懇然後撫故實蒐遺逸博咨鄉耆徧歷境土雖巖崖斷碣罔不目涉而手抄之窮日夜之力凡數易稿再逾期而告成事竊惟古者列侯建邦莫不有史然邑之有志猶國之有

孟津縣志

舊序一

史所以鏡古證今垂戒立範資政教風化之攸關焉者也故周官職方氏與小史外史掌之秦漢相襲唐圖十道宋志九域雖我英宗睿皇帝單命儒臣志成一統已見四海爲家之盛矣下及窮鄉陋邑亦必有志以紀其實不過分細流於江滙之一耳且天下之事無小大類不易成今夫志錄之以忠恕臨之以就業求盡吾心焉而已是知我者志也罪我者亦志也於余何道哉稿甫成出就正於洛陽同年西川尤公時熙復加刪潤可謂具書將錄之梓人會段侯以遷秩去後必有好古博雅之

君子成段侯之所未成者謹襲藏以俟云邑人參議柏崖楊儒序

孟津縣志

舊序一

二

舊敘

天以圖學昇幾皇而龍馬出河武王順天以渡義師而白魚入舟孟邑固聖王瑞兆之域也嗣是周公定鼎郊廓而域在七十里之中禮樂之化固其首及二程夫子闡性理之學以繼千載之統而高弟游酢質字是邑德教又有以入人之深我明列聖相承重熙累洽文命匪敷天而覃被之矣矧茲邑當秦蜀如京之通衢屬國獻納之孔衝其習俗人民之丕變宜非窮鄉陋邑之可班者而舊無志刻非缺典乎余奉命茲土恒有志未逮會宗師陶

孟津縣志

舊序二

一

山李公移校督責遂遍訪邑之士人得鄉先大夫栢崖楊公家藏遺稿復延邑博胡君澹陳君尙策蘇君世亨庠士李生過春楊生守祿馬生廷輔王生幾坤梁生許纂修之且壽諸梓廼序曰夫志何助乎葢古史在列國咸具今郡邑古列國而志史也歸往述於不隕貽法戒於方來吏治人文緣之發見所繫亦云重矣然其載欲悉其事欲核其文欲直古文章之士操觚染翰千言可立就至樂之以史雖學博二函體具三表而於一字之下未嘗不合毫閤筆遜其難而莫敢定信乎史之不易易

孟津縣志

舊序二

二

也栢崖博於采擷覈於稱述時爲論說以悉意義勒爲一書期以傳後已足爲信史矣而復得諸子以增其所未備今其卷有四平分爲二冊目二十有四天文地理風氣人物輿夫貢稅官師興廢秩宗之類靡不悉陳一開卷之餘而百里之廣千載之上舉在目昔之墜典今爲成書俾湮鬱無聞者藉之以章而後之生者將有攷焉詎非一邑之幸哉然書者器也神而明之存乎其人吾人之在兩間不外乎其出與處處而必師聖賢由二程之學以契幾皇之心出而必師帝王達周召之治以

期永清之休則修已治人各造其極而繼絕學開太平端在是矣若夫見山川而思遠遊觀物產而思封殖見昔之富貴利達者而思所以婉其隆則志可無刻也此余所以作志而爲津人一言之也然余豈爲津之人一言之乎嘉靖乙丑十月吉旦文林郎知孟津縣事東平泮東馮嘉乾序

敘孟津邑乘

中原自野火蔽天之後文獻之徵蕩然不獨一盟
津爾也嗟乎盟九邑盤靈于邙陰河陰道復衝秦
楚漢魏間往往設關築城于其地則盟亦要津也
是以昔之狐踞梟憑久歷年所當其時一災於兵
再災於歲阡陌草間廬舍沙磧則盟之陸沉而亡
存者又不獨一志惟是

開國以來經理休養閱星終之再半亦已讀者就戶
耕者就畔炊煙日響復時聞鷄犬聲行將鉉錯繡
而動如煙是用錄在司書綜我致治不佞履任後

孟津縣志

序三

一

卽欲搜訪遺文續泰全豹俾爲且創且因然而簿
書勞人期會靡爽譬如艱克家者方持籌於錢穀
出入之中卽細至甕饌鐫亦彌覺有待之爲煩
鄰架寥然未遑將事也然而私心歉焉幸我撫軍
賈老大人于戊戌春檄兩河諸守令開局修志舉
何善歟且部伍受律者千羣橫目望理者億萬戶
吏式於下案沓於前當事者不啻目送手揮獨能
深思遠慮刻期成書而兩河脫稿不下千帙悉手
披目覽使無鳬足鶴脰之嫌亥豕魯魚之訛卽方
之古大臣如鄒侯魯公其暇豫精詳殆又過矣不

佞于是知撫軍大人之所以修志與夫論郡邑更
之所以各志其志之意也彼志之爲言志也今日
古古曰在替在昔曰先民明乎前此者有志矣後
乎此者有人將無廢不舉無隱弗彰總不敢奸尼
父之權抑實以列循良之鏡也然則掘門之士苟
矢心自好方欲周知天下扼塞戶口生息之數慕
古賢豪長者想見其爲人卽當吾世而遇蒼鷹擊
殿嬰襟沈影之奇亦莫不傳之碑之以快我志之
一日如名山大川又將俟我與龍門游覽左圖右
史同調曠代矣豈帶經繫籍躬承

孟津縣志

序三

二

上肯復師心去取令其老成凋謝乎若謂西京以還城
闕土物名不雅馴史不絕人也而絕其書此又競
組織于靡蕪之場不幾以煌煌大典等之歲時諸
記哉其何以勗乃諸有位也因弁其首以俟後之
蒞茲土而志其志者皆順治歲在己亥仲秋穀旦
知孟津縣事黃維孟常裕題於吮冰堂

增補孟津邑志序

今之邑志猶古之列國史也史以寓勸懲故敘事實直志以備採擇故紀載周詳皆所以資政治培養化厚風俗也孟津自伏羲氏龍馬負圖而後一見於禹貢再見於秦誓漢魏而下史不勝書固非文獻無徵者比也迨明之末李城郭播遷於河患人民蹂躪於流氛斷簡殘篇半湮沒荆榛砂磧中矣

我朝定鼎以來招徠安輯培養休息六十餘年以故生聚日繁田野漸闢學校振興人文蔚起駸駸乎

孟津縣志

序四

三代之盛復見於今日也爰以菲材謬膺斯土幸際

昌明之運會樂觀景物之雍熙無案牘之勞形有河山之勝覽日與父老子弟談稼穡課詩書以歌咏太平之盛間嘗流連往昔景仰前徽歷學千百年之上而論列之皆疊疊如談目前事及叩以當前勝蹟近代名流則咫尺如隔雲霧豈稽古者畧於今致遠者忽於近耶蓋攷邑志修於順治之戊戌已亥間維時天地初肅圖籍尙多缺畧所幸二三老成皆龍門涑水之才腹笥便便富於孔壁

諷探討彙輯成書雖云綴拾兵燹之餘苟完苟美然猶體裁嚴正華實兼該至今奉爲信史但五十年來日新月盛廢而興者幾何事隱而顯者幾何人昔之砂磧荆榛今皆桑麻煙火山川昭其靈潤物象兆其文明

經臨而黎庶騰呼嵩之歡聲襲歌而

宸翰著有年之咏上足以超隆太吉下足以垂示無疆皆史之所宜大書特書者顧邑乘紀載未備父老子弟何述焉此司土者之責也爰何敢以不敏辭因與學博杜君宗度張君峻典偕同志紳士彙次

孟津縣志

序四

二

而增補之以庚子年爲始前夫此者不敢有所損益也後夫此者不敢有所遺逸也雖典贈不及古人而質直頗倣前史聊以備見聞之考證輶軒之採擇耳第山川挺秀賢俊彙征文采物華並隆往代而獨是賦額不及當年彼豐此膏讀志者不能無疑焉抑知津之彈丸不百里而文獻甲中州者靈秀所鍾形勝之美也形勝之美由於長河之浩瀚崇山之崢嶸也夫以藪爾巖疆而吞河山八九爲腴田爲沃土僅縣川一線耳其昔淪於河患者旣泛漲靡常而難復餘皆峻嶒崢嶸石厚土瘠耕

鑿之力倍其三塲圃之收逋其七且待墾皆下下之地而餘賦悉上上之額如雨暘時若廣種薄收或可耕三而得一苟霖雨稍愆則風霾蔽野蒿萊滿目朝耕於此者夕徙於彼矣故燦十數年來形勝羨其美人文樂其盛亦惟是戶口田賦雖漸次墾增而不敢視額取盈者稔知稼穡之艱難也後之讀志者苟知形勝之所以美人文之所以盛與夫稼穡之所以艱難生斯土者踵其美盛益思所以振之泄斯土者念其艱難益思所以培之則是志也其於政治教化風俗亦不無小補焉君謂搜

孟津縣志

序四

三

羅未博名實未孚訛者宜辨治者宜正務俾天經地緯如河圖則壤定賦如禹貢燦固有志而學識未逮焉敬以俟後之君子云
康熙歲在己丑孟冬穀旦文林郎知孟津縣事古營州徐元燦題

重修孟津縣志敘

攷之周書武王十有三年大會於孟津孟津之名且在東都洛邑之先孟津之來舊矣自秦漢改置郡縣以後或分或合遞沿遞革不盡仍其舊名又其幅員之所分劃不爲廣大故雖當兩河之衝輒目之曰葦爾視世之所爲踳踳雄傑非常之觀曾不得肩隨而比埒焉何津之名盛於昔而不振於今歟雖然山川猶是城郭猶是社稷民人猶是何莫非

天子之分土則何莫非司土之官之所宜悉心遠思而

孟津縣志

序五

加之經畫者特是司土之官坐堂皇之上心之所之可以無弗屆也而責以遠邇形勢之一一如羅諸掌則幾幾乎有不可以職述求者此郡邑志乘之作用以正疆宇要田賦紀風土名物爲有合於周禮職方所掌之遺而由是因形勢利便輯和民人興起農桑絃誦之業博求古今往復之成轍以參其當司土者卽以爲指南之導可矣津邑舊故有志明之未棄兵火燬焉百不存一至

本朝奠定以來一修於順治之己亥一修於康熙之己丑成書具在而舛漏之失猶或不免且自己丑

距今殆四十年其須臾而補者日以積也余又何容以襲故踵陋聽其缺略而不一爲之釐訂乎哉余因之重爲津人幸焉前者明季兵火洊至之餘津之山川城郭社稷民人俱已摧殘非故又安有於破楮斷墨之子子僅存者而一再訪求之今者休養生息津人沐浴於

國家至深至厚之澤者百年於茲太平之業富有日新卽以叢爾下邑志乘之作麟麟炳炳亦得以潤色美備用鼓吹乎休明則雖謂津之名盛於昔而復振於今可也津人誠厚幸矣哉固宜津之有道

孟津縣志

序五

二

而能文者爲之起欣然操觚而前重爲司土之官襄所不逮以成斯一時之盛舉也某姓氏另載簡首茲不備書

乾隆十一年歲次丙寅季春月之中浣文林郎知孟津縣事紀錄二次記功六次又記大功一次山左諸城王宏猷撰

孟津縣志後敘

孟津志古無傳書明之嘉靖間創始於馮侯嘉乾遭兵火而板燬矣

國朝順治間再修於孟侯常裕時值鼎鑪之初文獻未足故因陋就簡僅得百數十頁其於體裁規模未稱完備也卽康熙四十八年徐侯元燦更爲補葺亦弗於貢賦人物職官藝文後綴刻數頁耳嗣後迄今幾四十年則又全失紀載嗟乎津偏隅猶赤縣也縣中之沿革慶典禮典文章及戶賦風俗諸項皆有與時消息之故使後之覽者鑒往知來

孟津縣志

後敘

一

劑其損益張弛亦全於志乎是賴竟聽其漶漫莫稽缺略弗爲之所乎茲

龍飛乾隆之九年邑侯諸城王公以名家子來宰斯土

狹二歲而政成遂慨然有釐訂編輯思因而詳摭史牒廣諮見聞缺者補之冗者汰之誣訛者是政之俾旦以膚學陋識拾遺綴漏於後凡三百日而哀然成集爲綱一十有二爲目六十有六志天文而詳占候示趨避也志地域而載弓量杜爭端也志建置而壇壝廟祀之必該昭禮典也志官師而實行宦績之必考用知桐鄉碑朱邑祠身後之名

不可倖致也泊夫土田之所出風氣之所趨以選
人物挺生文章蔚起其美惡多寡之數用彰時會
隆替故事必錄真言惟傳信也由是體要莊整法
戒顯然足爲一方典故上儲輶軒之採矣孟津其
厚幸哉至若摭傳拾子以多爲富研京練都於餘
求工斯志誠未逮也然而王侯之所以爲志者則
固無取爾爾也

乾隆十一年歲在丙寅邑進士侯選知縣王尊旦
撰

孟津縣志

後敘

二

圖考

縣境全圖

孟津縣志

圖考



孟津縣志

縣境考



境之分以代而殊邑在周爲平陰穀城而穀城實連新安界卽唐之大基栢崖及五代之河清復在北岸與濟孟相錯固不得遽謂津之境地南依山北臨河也試按今日之孟津南三里陟山爲洛陽界矣而東南同盟山上凡五六里近偃師者未嘗不爲津境西南斜袤數十里深入洛界者亦未嘗不隸津版也至沿河洲渚向皆津土近則舊縣小寨灘田嫩淤在河南者忽分與孟及百頃矣沙溝口之東境復輸與鞏者一里矣此已於舊志不合

孟津縣志

城池圖



